



Na osnovu člana 22. stav 2. Zakona o izvršavanju Budžeta Kantona Sarajevo za 2017. godinu („Službene novine Kantona Sarajevo“, broj 53/16), a u vezi sa članom 13. stav 1. tačka 14. Zakona o zdravstvenoj zaštiti („Službene novine Federacije BiH“, br. 46/10 i 75/13) i člana 6. stav 3. Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12 – Ispravka, 37/13, 16/14 i 6/17), člana 6. Pravilnika o postupku po javnom pozivu za dodjelu novčanih sredstava neprofitnim organizacijama i udruženjima iz oblasti zdravstva („Službene novine Kantona Sarajevo“, broj 14/17), a u cilju zakonitog i transparentnog trošenja budžetskih sredstava, Ministarstvo zdravstva Kantona Sarajevo, objavljuje

## **JAVNI POZIV**

### **za finansiranje/sufiniranje programa i projekata neprofitnih organizacija i udruženja iz oblasti zdravstva sredstvima Budžeta Kantona Sarajevo za 2017. godinu, razdjel Ministarstva zdravstva Kantona Sarajevo**

#### **1. PREDMET JAVNOG POZIVA**

Predmet Javnog poziva je dodjela sredstava iz Budžeta Kantona Sarajevo za 2017. godinu – razdjel Ministarstva zdravstva Kantona Sarajevo, neprofitnim organizacijama i udruženjima čiji su projekti, programi i aktivnosti iz oblasti zdravstva, a od interesa su za građane Kantona Sarajevo ili doprinose razvoju i afirmaciji Kantona i provode se na području Kantona Sarajevo.

#### **2. PRAVO UČEŠĆA**

Pravo učešća i pravo na dodjelu sredstava imaju registrovana udruženja i neprofitne organizacije čiji su projekti, programi i aktivnosti iz oblasti zdravstva, a koja ispunjavaju opće i posebne kriterije iz Javnog poziva.

#### **3. KRITERIJI ZA DODJELU SREDSTAVA**

##### **Opći kriteriji:**

- a) registracija udruženja na bilo kojem nivou vlasti u Bosni i Hercegovini;
- b) realizacija projekata udruženja koja su od interesa za građane Kantona Sarajevo ili doprinose razvoju ili afirmaciji Kantona i provode se na području Kantona Sarajevo;
- c) ekonomska ili društvena opravdanost projekta koje udruženje predlaže i sprovodi;
- d) program rada za 2017. godinu sa obrazloženjem;
- e) finansijski plan za 2017. godinu;
- f) izvještaj o urednom finansijskom poslovanju (bilans stanja, bilans uspjeha i Narativni izvještaj za 2016. godinu);
- g) finansijski izvještaj o utrošku sredstava za projekte odobrene u 2016. godini;
- h) organiziranost i broj članova udruženja;
- i) broj lica koja učestvuju u realizaciji projekta;
- j) specifičnost potreba članova udruženja, odnosno populacije koju zastupaju;
- k) rezultati i uspjesi na kantonalnom, federalnom, državnom i međunarodnom nivou, odnosno broj korisnika obuhvaćenih projektom.

##### **Posebni kriteriji:**

Posebni kriteriji su definisani u članu 5. tačka e) Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo (oblast zdravstva).

Projekti i programi za dodjelu sredstava, trebaju da budu usmjereni na slijedeće:

- 1) Projekti promocije zdravlja i prevencija bolesti koji se odnose na:

- rano otkrivanje i suzbijanje bolesti srca i krvnih žila i dijabetesa,
  - unapređenje zdravlja i prevenciju malignih bolesti (podrška teško oboljelim i palijativna njega),
  - prevencija i suzbijanje bolesti ovisnosti (duhan, alkohol, droge) naročito kod djece i mladih i
  - drugi preventivni projekti iz oblasti masovnih nezaraznih oboljenja,
- 2) Projekti socijalnog i humanog značaja koji se mogu odnositi na:
    - unapređenje zdravlja i kvalitete života ranjivih skupina: djece, mladih, invalidnih lica (djece i osoba starijih od 65 godina),
    - unapređenje zaštite mentalnog zdravlja,
    - rehabilitacija,
    - pružanje raznih zdravstvenih, socijalnih i humanitarnih usluga za potrebe u zajednicama sa manje mogućnosti,
  - 3) Aktivnost i uključivanje što većeg broja lica sa invaliditetom u rad udruženja;
  - 4) Aktivnost i uključivanje što većeg broja pripadnika nacionalnih manjina u rad udruženja.

#### 4. POTREBNA DOKUMENTACIJA

Dokumentacija koju je potrebno dostaviti:

- a) popunjen obrazac zahtjeva i obrazac prijave za aplikaciju za finansiranje/sufinansiranje projekata koji sadrži: naziv projekta, opis problema/potreba, kratak opis projekta, ciljevi, ciljne grupe, plan realizacije projekta, trajanje projekta, osoblje i budžet (obrasce preuzeti na web stranici Ministarstva zdravstva: <http://mz.ks.gov.ba>);
- b) rješenje o registraciji;
- c) uvjerenje iz registra udruženja izdato u vrijeme podnošenja zahtjeva, izuzev iz Registra udruženja koje vodi Ministarstvo pravde i uprave Kantona Sarajevo, koje nosilac budžetskih sredstava pribavlja po službenoj dužnosti;
- d) ovjerena i potpisana izjava odgovornog lica o ekonomskoj i društvenoj opravdanosti projekta koje udruženje predlaže;
- e) program rada za 2017. godinu sa obrazloženjem i finansijski plan za 2017. godinu;
- f) bilans stanja i bilans uspjeha (ovjeren od strane nadležne poreske uprave) te Narativni i finansijski izvještaj za 2016. godinu (obrazac preuzeti na web stranici Ministarstva zdravstva: <http://mz.ks.gov.ba>);
- g) ovjerena i potpisana izjava odgovornog lica o organizovanosti i broju članova udruženja;
- h) ovjerena i potpisana izjava odgovornog lica o broju lica koja učestvuju u realizaciji projekta;
- i) ovjerena i potpisana izjava odgovornog lica o rezultatima i uspjesima na kantonalnom, federalnom, državnom i međunarodnom nivou, odnosno o broju korisnika koji su obuhvaćeni projektom;
- j) uvjerenje o poreskoj registraciji-identifikacioni broj;
- k) uvjerenje o izmirenim poreskim obavezama (ne starije od tri mjeseca) ili uvjerenje da udruženje nije poreski obveznik;
- l) uvjerenje o izmirenim porezima i doprinosima za zaposlenike (ukoliko ima zaposlenike) ne starije od tri mjeseca, odnosno izjava odgovornog lica da udruženje/organizacija nema zaposlenih;
- n) izjava o finansiranju organizacije/udruženja iz drugih izvora ili drugih nivoa vlasti u 2016. i 2017. godini.

Svi dokumenti koji se podnose kao dokaz o ispunjavanju općih i posebnih uvjeta iz ovog poziva moraju biti original ili ovjerene kopije ne starije od šest (6) mjeseci.

Dokumentaciju je potrebno numerisati i dostaviti po naprijed navedenom redosljedu.

## 5. NAPOMENA

Organizacija/udruženje koje je registrovano u 2016. godini i nije dobilo sredstva za projekte, nije dužno dostaviti dokumentaciju iz tačke 4. podtačka f) i n) ovog poziva.

## 6. OCJENA PRIJAVA

Ocjenu i pripremu prijedloga rang liste projekata udruženja i neprofitnih organizacija pristiglih na ovaj poziv, vršiće komisija koju će imenovati Ministrica zdravstva Kantona Sarajevo.

## 7. PODNOŠENJE PRIJAVA

Prijava na javni poziv se podnosi u pisanoj formi na obrascu zahtjeva i obrascu za prijavu projekta za finasiranje/sufinasiranje iz budžeta Kantona Sarajevo, objavljenim na web stranici Ministarstva zdravstva: <http://mz.ks.gov.ba>, sa dokazima o ispunjavanju općih i posebnih kriterija, u zatvorenoj koverti.

Prijave se dostavljaju na protokol Kantona ili poštom na adresu: Kanton Sarajevo, Ministarstvo zdravstva, ul. Reisa Džemaludina Čauševića br. 1. Sarajevo, sa naznakom „Prijava na javni poziv za finansiranje/sufinansiranje rada neprofitnih organizacija i udruženja – ne otvaraj“.

Rok za podnošenje prijava je 15 dana od dana objavljivanja javnog poziva u dnevnim novinama i web stranici Ministarstva zdravstva KS.

Nepotpune i neblagovremeno podnese prijave neće se razmatrati.

**MINISTRICA**  
**Zilha Ademaj, dipl. oec., s.r.**



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104, Fax: + 387 (0) 33 562-243  
Sarajevo, Reisa Džemaludina Čauševića 1

